


toute doree & azuree , & le
Chœur tout ouuragé & historié.

De ce país Albigeois furent
renommez ces furieux Hereti-
ques, l'erreur desquels fut espan-
du presque par toute l'Aquitaine
& nommément, es país de Tho-
lose, Foix, Querci, Albigeois, A-
genois, Cominge, & terres voi-
sines, mais ces Heretiques furent
deffaits, comme nous declare-
rons ci apres.



DV PAYS DE
Quercy.

LE país de Quercy est renom-
mé en l'Aquitaine pour vn
des plus beaux , riche &
fertile , & où l'on ne man-
que d'aucune chose pour la nour-
riture.

Le

Le Quercy est limité à l'Orient de l'Auvergne, à l'Occident & au Septentrion du Perigord, & au Midi du vray Languedoc & pais de Tholose, & contient deux Eueschez sçauoir Cahors & Montauban.

Cahors est la ville capitale du Querci située sur la riuere de Loth, posée sur vn costau fait ainsi que la perspectiue d'vn theatre. Il y a siege d'Vniuersité & Seneschauffée. L'eglise cathedrale en est dediee à S. Estienne. Les Euesques de ce lieu sont Comtes, tellement que l'Euesque est Seigneur spirituel & temporel, si bien que celebrant la Messe solennellement il a l'estoc, les gantelets, bourguignotte sur l'Autel, & les botines en iambe à la Pontificale, par vn priuilege particulier. Cahors est dict en latin *Cadurcum*. Jean Pape vingt-

Pape
natif
de
Quercy.

vingt deuxiesme du nom homme tressçauant estoit natif de Cahors, lequel tint le siege à Rome 19. ans quatre mois.

Clement Marot vn des premier poëtes François du dernier siecle estoit aussi de Cahors.

Montauban est situee sur vne haute colline, & faicte en vn pendant vers le pont qui est sur le Tarn, flanquee de la riuere & d'vn ancien chasteau du costé de Tholose.

Pres le pont de ceste ville sont des caues soubz terraines. Les Eglises de ceste ville ont esté ruinees par les Calvinistes.

Les autres villes du Quercy sont Castel-Sarazin, Moissac, situees sur la riuere de Tarn; laquelle riuere est de couleur rougeastre, par ce que l'eau passe par terre argilleuse, puis est Monhec, d'où estoit natif M. Arnault Sor-

Sorbin, grand personnage, & Pre
dicateur du Roy.

Moissac est situee en belle as-
siete plaisante & delectable,
proche de montaignes fertiles
en vignoble.

Ceste ville est fort marchan-
de & principalement de bleds,
vins, huiles, safran, laines, sel, &
poisson & autres denrees.

Le Roy Clouis fonda l'Egli-
se de saint Pierre & saint Paul
à Moissac.

En ceste ville y a vn beau Mo-
nastere de saint Benoist, dans
lequel gist le corps de saint Cy-
prien Euesque de Carthage.

Non loin de Moissac est Lau-
fette situee sur vn roc, où il y a
des plus belles & meilleures ca-
ues de la Guyenne.

FON-



FONDATION DE LA
VILLE DE THOLOSE.

LA ville de Tholose est d'ancienne fondation, & non par les Troyens, car elle estoit long temps deuant.

L'on tient que Tolose fut bastie enuiron six cents ans deuant Rome, par vn certain *Tholus* sorti de Iaphet, lequel y meit la premiere pierre & l'assisit sur vn costau, loing du fleuue : mais ceste ville est à present posée au bas de la montaigne, & selon la riuere de Garonne.

Ceste ville est Metropolitaine, & ya vn Parlement institué sous le Roy Philippes le Bel, l'an mil trois cents vingt, & confirmé par Louys II. qui le rendit stable, estant auparauant am-
bu-

bulatoire.

L'vniuersité de Tholose est fort ancienne, & autorisée de beaux priuileges, par le Pape Iean 22. & Innocent 6.

*Vni-
uersi-
té de
Tho-
lose.*

Il y a vne Cour de Seneschal en ceste ville, & la Iustice de l'Hostel de ville, où president Messieurs les Capitouls, ainsi nommez à cause d'un Capitole qui anciennement estoit en ce lieu.

Tholose fut cité des Testosages, lesquels, comme quelques vns veulēt dire, furent premiers fondateurs de ceste ville, & ayans ouy dire que Hercules y venoit, feirent hausser les murs de la ville, & faire deux grosses tours de deffence.

Tholose est l'une des plus grandes & plus fameuses villes de France apres Paris. Il y a vn Conuent de Jacobins fort magnifique.

En

En la ruë de la Portarie à Tholose fut iadis vn temple d'Apollon, ores dedié au Martir saint Quentin, & vn à Iupiter, où est de present l'Eglise & Monastere de nostre Dame de la Daurade.

Il y a encor quelques vestiges & enseignemens d'un Theatre qui estoit en ceste ville anciennement.

Saint Saturnin 1. Euesque de Tholose, sacré par S. Martial, fut precipité par les Payens du haut des degrez du Capitole & trainé hors la ville à la queue d'un taureau.

A S. Saturnin sont les plus belles reliques qu'on puisse desirer, en l'Eglise sous-terraine, & entre autres y sont les corps de S. Jacques le Mineur (dont le chef est en Galice, au Royaume d'Espagne) les corps de S.

Ia

Jaques le Maieur, de S. Symon & S. Iude, le corps & chef de S. Barnabé, le corps & chef de S. Saturnin. Euesque de ce lieu, le corps de S. Papont Martir & Euesque de Tholose, le corps de S. Gregoire Martir, les corps de quatre Martirs couronnez, Claudie, Nicostrate, Castorie & Symphorian, les corps des Martirs S. Cyr & S. Julite & sa mere, de S. Gilles Abbé, de S. Aymont Confesseur du Roy d'Angleterre, le corps de sainte Susanne fille de Helchie de Babylone, & plusieurs autres corps saints.

En outre ya vne chasse d'yvoire, dans laquelle sont plusieurs reliques des Apostres & autres saints & saintes, vne effigie de la vierge Marie, toute d'argét, en laquelle ya de ses cheueux.

A Tholose sont les Conuents
des

602 DESCRIPTION
des quatre ordres de Mendians,
& autres Eglises & Monasteres.

Tholose fut vni à la couronne, par le decez de Raimond 5. qui le laissa au Roy S. Louys, mourant sans hoirs.

Du ressort de Tholose sont vne grande partie des monts de Pyrenee, qui abondent en vne infinité de choses vtils & profitables, comme poix, encens, liege, l'ytarge, marbre, iaspes, ardoites, lauassos, tuffes & grez.

Il ya des fontaines viues & perpetuelles, & des lacs miraculeux & effroyables.

Deux des plus hauts sommets des monts Pyrenees, sont apellez les pois de neuf heures & de midi, l'vn en Bearn, & l'autre es monts d'Aure: Et sont ces monts ainsi apellez par ce que le soleil ne faut iamais de luire sur l'vn à 9. heures de matin, &
sur

sur l'autre au midi.

La Region plus proche de Tholose, vers les monts, est le Comté de Foix iadis apellé Flus-fates, par Cesar.

Pamiers est vn Euesché dependant de Tholose, establi par Boniface 8. mais la Iustice est à Foix.

Outre Pamiers il y a encor six autres Eueschez du ressort de Tholose: sçauoir Montauban (deuât dict) Lauant Lôbers, S. Papoul, Mirepoix & Rieux, qui est entre Tholose & Cominges, côme au ficelle de Caseres.



DV PAYS COMINGEOIS.

LE Comingeois est limité du Comté de Foix au Leuant, au Septentrion
d.v-